

Ի. Սմբատ ասաց Բաբելին՝. «Տեղս ախորժեկն է, իսկ ամրոցի օդը քեզ համար ծանր է. գնանք առաւօտեան ժամին որսի», Բաբել պատասխանեց՝. «Եթէ քեզ հաճոյ է, պատրաստութիւն տես, որ առաւօտ գնանք», Ի. Սմբատ տեղեկացրեց Սայիդին եւ Բուզբարին իւր որոշման մասին եւ հրամայեց, որ նոցանից մէկը դարան մանի լեռների այս ինչ տեղում, իսկ միւսը՝ այս ինչ տեղում՝ իրանց զօրագնդով: Երբ ի. Սմբատ եւ Բաբել առաւօտեան գնացին (որսի), ի. Սմբատ ուղարկեց մի սուրհանդակ Սայիդի եւ մի այլ սուրհանդակ Բուզբարի մօտ, որոնք նոցա հետ միասին եկան այն տեղը, ուր գտանուում էին Բաբել եւ ի. Սմբատ, զննեցին Բաբելին, ցած իջան եւ՝ պահելով մէկը նորա մի կողմը, միւսը՝ նորա միւս կողմը ձերբակալեցին նորան:

Իսկ Աբդուլլահ՝ Բաբելի եղբայրը՝ գնաց Իսայ ի. Իւսուփ ի. Ստեփաննոսի մօտ: Երբ Օշին ձերբակալեց Բաբելին եւ նորա մարդիկը, նա սկսեց պտրել Աբդուլլահի թագստեան տեղը եւ՝ իմանալով, որ նա ի. Ստեփաննոսի մօտ է, գրեց նորան, որ նա ուղարկէ Աբդուլլահին իւր մօտ: Ի. Ստեփաննոս կատարեց նորա հրամանն, եւ Օշին բանտարկեց նորան Բաբելի հետ մի տան մէջ, հրամայելով պահապաններին հսկել նոցա վերայ, իսկ ինքն տեղեկացրեց Մուտասիմ ամիրապետին եղելութեան մասին:

235 թ. Մուտավակկիլ յանձնեց իւր որդի Մուտազզին խորասան, Տաբարխստան, Ռայ, Հայաստան, Ատրպատական եւ Փարս:

236 թ. մեռաւ Աբու Սայիդ Մուհամեդ ի. Իւսուփ՝ Հայաստանի եւ Արպատականի կռուավարիչը: Մուտավակկիլ գրեց Իւսուփին նորա հօր իշխած հպատակ երկրների վերայ, ապա նշանակելով նորան հարկերի եւ հողերի վերայ: Իւսուփ